


ესტანტ
სუსიგაშვილი

K 246914
3



საქართველოს
საბავშვო
საბიბლიოთეკო

საქართველოს

F 8654/
3

პანტანო სუსიტაშვილი



სამათს-ეშ...

საქართველოს პარლამენტის
ეროვნული ბიბლიოთეკას ავტორისაგან.

28. VII. 05.

ქ. თბილისი.

გამომცემლობა „ლევა“
თბილისი 2005

პოეტად შობილი

ვახტანგ სუხიტაშვილი ქართლის შუაგულიდანაა. იგი გორში დაიბადა და გაიზარდა.

აკი თავადაც ამბობს:
„მე არ მივლია მონმარტრზე
და არ მინახავს არბატი,
დრო კი გალეწილს მომათრევს
მისი შხამით და შარბათით.
არა მწყურია სისხლი და
არ მეღანდება კორიდა:
მზის სხივმა ამომისხლიტა
მე „მზის დახრისას“ გორიდან“.

ვახტანგის ლექსები ქართლის ხეობასავით დინჯი და ფიქრიანია, ბევრი სევდის და სიხარულის აღმძვრელი. ახალგაზრდა შემოქმედი რითმით არ კეკლუცობს მხოლოდ, ის უფრო სათქმელს ამბობს - წარსულის ამბებს გიყვება, მომავლის იმედით ხარობს. მისგან შორსაა ყალბი გრძნობები და ყალბი პათეტიკა. აქვს მშვენიერი ლირიკული ლექსები. წინამდებარე წიგნი ავტორის მეორე წიგნია

სულ ახლახანს ვახტანგ სუხიტაშვილმა დედა უნივერსიტეტში სამეცნიერო ხარისხიც მოიპოვა. იგი ისტორიის მეცნიერებათა კანდიდატი გახდა.

ასე რომ, სრულიად ახალგაზრდა ყმაწვილი კაცი ორი მუზის მსახურია. რომელი გადასძალავს დმერთმა უწყის. მის სულიერ კრედოს კი ნამდვილად დაეჯერება, როცა ამბობს:

ვერ შეიქმნები პოეტად,
აღმა ხანი და დაღმა ხან.
პოეტად უნდა იშვა და
პოეტად უნდა დაგმარხონ!
მის გასაუღელ გზას გაუმარჯოს, მის საწაღმართო

თემურ ჩალაბაშვილი
2005 წელი, 9 ივნისი, ამაღლება!

წიგნის გამოსაცემად გაწეული ფინანსური დახმარებისთვის მადლობას მოვასხენებთ ცხინვალის ახალგაზრდობის საქმეთა სახელმწიფო დეპარტამენტის ხელმძღვანელს, ბატონ სოსო ვახტანგაშვილს

© გამომცემლობა „ლევა“
© ვახტანგ სუხიტაშვილი

საქართველოს
პარლამენტის
ეროვნული
ბიბლიოთეკა

2005

K24694

ქართველ ახალგაზრდებს

ახალ სამაჩაბლომდე ძველი აბაზგიიდან
სანამ კაცი ქართველი გულის ფეთქვას მიიტან,
სანამ გრჩება სამყაროს გრძელი გასაუღელი
გზა,
სანამ რწმენა იქცევა ფერფლადა და ფენიქსად...
სანამ კვლავ დაიწყება აღდგომის დღე ნათელი,
სანამ ზეცა მოელის შენს ოცნებას გათელილს,
სანამ ქართლში გაისმის ლტოლვილ ჩვილის
ტიტინი
და წინაპრის საფლავზე შრიალებენ ტიტანი;
სანამ უცხო ენაზე წოდებული „Цхинвал“-ის
მთის კალთებზე კვლავ დელავს ზურმუხტისფრად
რცხილნარი,
ახალ სამაჩაბლოში ძველი აბაზგიიდან
მჯერა, კაცი ქართველი გულის ფეთქვას მიიტან!

27.V. 2005.

ვერრა დააკლო სარკმელს ქარ-წვიმამ
 და როგორც კლდიდან ფრთები არწივმა,
 გაეშალე ჩემი სევდის დოვლათი.
 ზეცას კი სხივი ვეღარ ეღირსა.
 ეს განთიადიც შეღამებიდან
 იცვამს სითეთრეს პირველ თოვლამდის.
 დარდი ბოლომდე რომ არ ამოქრეს,
 ოცნებიდანაც სხივებს ამოვკრეფ
 და შემომრჩება ფიქრში ობლად ის აბობოქრება...

17.X.1998.

ახალი წელი

დაცეხვილი ფიქრი. ვზივარ განაბული.
 სუფრის მუინახე დღეს არავინ მყავს.
 სიკვდილისკენ მივქრი, გახეთქილი გულით
 და ოცნებით კაკალს ვაგდებინებ ყვავს.
 მე არა ვარ ღმერთი, მაგრამ პოეტი ვარ!
 მთელი მოკრძალებით შეგახსენებ თავს
 და გეტყვი რომ შენი ჭრელი სული მტკივა,
 ცხოვრება კი თავის სადღგერძელს რთავს...

5.I.2000.

მე არ მინდოდა ოცნებით ფუჭი
მომავლის ბნელი ზმანების ჩეხვა,
როცა სიცოცხლეს სიცოცხლე უჭირს
სამოთხის კარში ნურასდროს შეხვალ.
ხანდახან სხვისი ცხოვრებით ვმისნობ
ჩემს საფლაავზე კი გაშალეს კარტი,
სამარე ალბათ ვერასდროს მიცნობს,
ისე შემშოსეს საუფლო კვართით.
გაურჩეული იმედი დაგკალ,
ყელს გამოვლადრავ სინაზეს, კდემას,
როცა ასრულებს სიკვდილისს ამკალს –
თვითონ უწყალოდ სიცოცხლით კვდება.
და მე არ მინდა ოცნებით ფუჭი
მომავლის ბნელი ზმანების ჩეხვა,
რადგან სიცოცხლეს სიცოცხლე უჭირს
სამოთხის კარში ვერასდროს შეხვალ.

10.II.2000.



მე ისე ვმღერი,
 როგორც შენ სტირი
 და ეს სპექტაკლი
 მაგონებს ფიფქებს...
 შენ - ჩემი მტერი,
 მე კი სულ მცირე
 მინდოდა დაღლილს,
 რაც ჩავიფიქრე.
 შენ ისე სტირი,
 მექცევი ფიქრად,
 ნაზამთრალ სითბოს
 რომ ფანტავ შორით.
 მე ერთი მწირი
 ფიფქივით მიმქრალ
 სიყვარულს ვითხოვ
 სიძულვილს შორის...

5.III.2000.

უბედურების ტრიოლეტი

აჰა, დრო ნახა, სკივრს ახადა თავი პანდორამ:
 „წუთისოფელის გემო სინჯონ, დაე, მდგმურებმა!“
 ქართველებს, - ხედავ? - უდგიათო კვლავ
 ტაშ-ფანდურა,
 აჰა, დრო ნახა, სკივრს ახადა თავი პანდორამ
 და ყველა ერთად უბედური ფეხით გაგვტორა.
 რადგან ამაზე მას ვერავინ დაემდურება:
 აჰა, დრო ნახა სკივრს ახადა თავი პანდორამ –
 „წუთისოფელის გემო სინჯონ, დაე, მდგმურებმა!“

12.III.2000.

სტუდენტური

წელი გავიდა ხუთი, ვით წუთი
და ერთი წამიც ვერ შევიცადე,
ჩაუქრობელი ცეცხლით ვიწოდი
მიწიდან ცამდე, ციდან მიწამდე.
დროა და ვხვდები წითელ დაფიონს,
ვიდრე ცხოვრება წუთებს იცოხნის
უნდა მოვასწრო, ცაზე დაფიონო
აღმები ჩემი წრფელი სიცოცხლის!

20.VII.2000.

ბორის ციხე

გიყურებ მთაზე გაწოლილს,
როგორც ჯანგამქრალ ბებერ ლომს.
წაგექცა დროის სასწორი,
წარსული სისხლად შეგერგო.
შენი ფესვების მოწამე,
მაგ ქონგურების ნანგრევის,
აქეთ-იქიდან გლოცავენ
გეგუთის ფუძე და გრემი.
გიყურებ - აღმაშენებლის
ქართლზე გადებულ მარჯვენას,
ნეტავი ძველი მშვენებით
ის საქართველო მაჩვენა!
ის საქართველო მაჩვენა:
„ჰკა მაგასა“ და „აბა ჰო“...
რომ ერთხელ მაინც ქართველად
გაჩენა დავიტრაბახო.

10.X.2000.

რატომ ჰგავხარ ურჩობით ავაზებს და გავაზებს?!
ვერაჲინ გეუბნება სიყვარულზე შენ უარს,
თვალი როდის მოსწყდება ველოდები გავაზე
მთვრალ ქმარივით მოტმასნილ აბრეშუმის
პენუარს.

წვივთა თილისმიანი რა შელოცვა გცოდნია!..
ვერაჲერი გაეუბე უჩვეულო კილოკავს:
კმაყოფილი იერით ზიხარ, როცა ცოდვიან
მუხლებს გადარეული, შლეგი მზერა გილოკავს.
გადავივლი მწყურვალი ვნების ცხარე

ქვიშრობებს,
შენი გაგოროზება მწველ სურვილებს დადაღავს...
მე და ჩემი რითმები ძველ მოლბერტზე
ვიშრომებთ –
ჩვენს ნახატ მკერდს სიკვდილმაც ვერ დაადოს
ყადაღა!

19.XII.2000.

* * *

არ შეგვინდო არაჲინ,
გვიერთგულა ვერაჲინ,
ლპება პაპის მარანი
უპატრონო, ვერანი;
უპატრონო, ვერანი
ლპება პაპის მარანი,
გვიერთგულა ვერაჲინ,
არ შეგვინდო არაჲინ...

18.I.2001.

მებადურივით ხელში მიჭირავს
 ფართხალა გული – ოქროს ქორჭილა,
 ნატვრისთვალივით დამიმორჩილა,
 ზურგზე ოცნება გადამიჭირა.
 და ვცვლი სიცოცხლეს მის ერთ ნატვრაში
 და არ მაქვს სასო მე წარკვეთილი,
 დამბადებელმა ლოცვა კეთილი
 დაბადებისას დამანათლა შინ.
 გულს დავატარებ, როგორც ამულეტს,
 დრომ „ამიხვია“ თხელი ფერდები...
 ბოღმით გაგქეხი და არ ვბერდები,
 ვით ჭირნაჭამი ჩემი მამული.
 ფსკერი სავსეა წმინდა ოქროთი,
 ზედ გადაშლილა ცრემლის ლაგუნა,
 ცხოვრებამ წლებზე დამიკაკუნა
 (მე ხომ ყმაწვილურ ნდობით მოვქროდი).
 მებადურივით ხელში მიჭირავს
 ფართხალა გული – ოქროს ქორჭილა,
 ნატვრასავით რომ დამიმორჩილა
 და ზურგზე რწმენა გადამიჭირა.

2.I.2001.



ქალაქური

მიმზერს ვიღაც ცვედანი
და ეტყობა თვალებში:
დარჩა გაუცვეთავი
მეუღლის ყურთბალიში.
გადამივლის სიბრაზე
თავს ისევ ვგრძნობ „არიფად“,
სისხამ დილის სიფთაზე
სინჯავს ყველა მარიფათს.
ძველ თბილისის ქუჩებში,
ვით სახე ნამუშტარი,
თმათეთრი ვით ქუჩენი –
მხვდება საღმის მუშტარი.
აქეთ თეთრი გულ-მკერდი
მოდელავს ქალბატონის,
აღბათ, წუხელ უმდერდა
იგი თავის აღონისს.
მიხმობს მტკვარი და როცა
შევასკდებით შუბლებით,
იმ სიყვარულს დავლოცავ
ური შვილის უფლებით.

3.II.2001.



აღალ გულზე ვკოცნი მე შენს ნატერფალებს,
 მთვრალი ღამე სხივმა ჩიხში შეათრია...
 შენი მკერდი ვნების დიდი თეატრია
 და მის შაგბნელ კულისებში მაფერფლავებ.
 მალე, ალბათ, დასრულდება ვოდვევილი,
 ისე, როგორც ბნელი ღამის ანშლაგები.
 ჩაგეკვრება მხურვალედ და გაშმაგებით
 ვინმე უცხო ოცნებიდან მოდენილი.
 და დღეებიც ისე სწრაფად ჩაივლიან,
 მწვერვალისკენ როგორც უცებ აიარეს...
 დატოვ მკერდზე მაგ ტუჩების ნაიარევს
 და ოცნებას თმახუჭუჭა აივნიანს.

12.II.2001.

* * *

*რა კარგია მზის დახრისას გორი...
 ს. ჩიქოვანი*

მე არ მივლია მონმარტზე
 და არ მინახავს არბატი,
 დრო კი გალეწილს მომათრევს
 მისი შხამით და შარბათით.
 არა მწყურია სისხლი და
 არ მეღანდება კორიდა:
 მზის სხივმა ამომისხლიტა
 მე „მზის დახრისას“ გორიდან.

14.II.2001.

შენი ნაზი ზმანება
 მზის სხივივით ამივლის,
 თავი არ დაგვანება
 ცეცხლმა მე და ამ ივლისს.
 როგორც უცხო შედეური
 გოგმანობენ გავები,
 შიშველ მზერით შევთვეური,
 ოცნებებში გავები.
 ისევე მენატრები
 შენი სუნთქვით, ნოტიო,
 აბზრიალდნენ კადრები,
 აწკრიალდა ნოტიო
 და ამ ბზრიალ-ტრიალით
 სამარეში ვეშვები
 და მინდორზე ტრიალი
 ყრია ვნების ეშვები.
 გამიჭერი ხელადა
 შენ, საფლავი ნაზთითავ,
 ძუძუ, როგორც ხელადა,
 შემომიდე თავითთა!

2.III.2001.



მე შენს სახეზე დავინახე სისხლი ნარევი
 და კიდევ ერთხელ დავიბადე მშიერ პოეტად,
 ვერ დავაბიჯე სიყვარულის ტანჭრელ მოედანს,
 ისე დაეწყლულდი ოცნებათა ეკალ-ნარებით.
 და თითქოს გელი საუკუნოდ, გელი ოდიდან
 თვალცრემლიანი სტრიქონების მთვრალი
 ამქრებით,

როცა შორეულ ციალივით შენში ჩაგქრები,
 სიკვდილს მომტაცებს წამწამების გილიოტინა.
 მსურს ნაბოლარა იმედით მშვიდად
 გინატრო,

გავაჯირითო სიხარული ზეცის ტატნობზე,
 ვით დედამიწას ეფერება სხივით სათნო მზე –
 შენი აღერსის ზიარი ვარ და მობინადრე.
 ფეხქვეშ გაგიფენ ჩემი გულის წადილს
 უამრავს
 და იამაყე, რომ გნებდები ასე უომრად!

17.IV.2001.



ახლა ის დროა, როდესაც
 გარშემო ყველა მოდიან,
 მალე დადგება დრო, როცა
 გარშემო ყველა მიდიან.
 შენი აღურსი ძვირფასო
 არასდროს გავა მოდიდან,
 გარეთ გამოდი, ვარსკვლავებს
 შეხედე, რა ამინდია!

23.V.2001.

* * *

ვერ შეიქმნები პოეტად,
 აღმა ხანი და დაღმა ხან.
 პოეტად უნდა იშვა და
 პოეტად უნდა დაგმარხონ!

26.IV.2001.

ბათუმური სღამო („კეიზაში“)

ზღვამ მზე გადაყლაპა –
 მწიფე ფორთოხალი,
 ქალი ბიჭებს „აბამს“
 შვლის ნუკრივით „მფრთხალი“.

6.V.2001.

შენს სითამამეს არ აქვს საზღვარი,
 ვცდილობ, არ მექცე ხვალე ცრემლებად.
 თვალთაგან მოსდის ზღვისფერ ცას ღვარი
 და გახურებულ შუბლზე მევლება.
 როგორც თითების ერთი შევლება
 ჩემი წილი და შენი წელია,
 დღეს ყველა ძუძუს თეთრი ცრემლები
 ჩემეულ ნეკნის სითბოს წველიან.

21.V.2001.

„გვირის უბნის მემლოდიები“

მკერდი ფეხზე დგას – როგორც ჩახმახი
 და მშვიდად ელის ჩემზე დაცემას,
 წინ-წინ მივდივარ ჩასვლა ჩაღმა ღირს,
 რომ არ შევასკდე მის აღტაცებას.
 არადა, გვერდი როგორ უჟარე
 დღემდე ძუძუთა რძისფერ ტალანტებს,
 ვესიოები შავ-თეთრ უალებს
 ძარღვში უტკბესი გრძნობის დავლამდე.
 და ის პირველი, მე რომ დავლანდე
 თვალახელილმა ყუათიანი,
 მომხვდება როგორც ყაჩაღს თავლამდე
 ნაგლეჯი ტყვია უათიანო.

20.VI.2001.

ღმერთო, მაღალო!

არც დანტესი მყავს, არც გონჩაროვა,
რომ გული ვინმეს ტყვიას ვახალო...
შენი ძე ციდან როდის ჩამოვა

ღმერთო, მაღალო!

ცოდვებისათვის ვინღა მომიზღავს,
ეშმას ვუცხადებ სულში ახალ ომს,
ბოლოს შეგვინდე ყველა მოსისხარს
ღმერთო, მაღალო!

გზადაგზა ვიღებ ცოდვებს ნისიად
და მინდა ტანჯვაც დავიადალო,
ეს ლექსი ჩემი პარაკლისია

ღმერთო, მაღალო!

9.VII.2001.

* * *

*თემურ ჩაღაბაშვილს
(დაბადებიდან 50 წლისთავისათვის)*

კაცია ერთი, კახელი,
ალალი, ვით ხმა ფანდურის.
ვერაფრით ვერ გავახელეთ –
ყველა სულა იცის, ფანდური.
დაგვიმეგობრა, – ვიძმობდეთ,
ნაღდია, არ ვიზარალებთ
(ამაღამ უნდა ისმოდეს
მამა-პაპური ჰარაღე).
გაბრწყინდეს ორმოცდაათი
თილისმა და ელექსირი,
ღმერთმა ზეცაზე ტაატი
ნუ მოუშალოს ლექსივით.

10.X.2001.

სანიჰარი

დამჩემდა უძილობა,
უძილობა დამჩემდა,
ვინივლებ უცილობლად
ჭაღარა დედანქმთან.
წუთისოფლის ამკიდეს
ზურგზე ვალი მრავალი,
ცოდვას ნახავ აქ იმდენს,
რის ვალი ან რა ვალი!
ძმები, მე რომ დავთოფე
სევდებით და დარდებით,
თურმე, ისე დარდობენ,
მათზე ფიქრით ვთავდები.
უძილობა დამჩემდა,
დამჩემდა გულცივობა...
ჭაღარა დედანქმთან
ვინივლებ უცილობლად.

5.II.2002.



K 246914
3

შენს მკერდზე მინდა ავტირდე,
 იქნება, გულში ჩამიკრა,
 სამოთხის ვაშლის სამ ძირზე
 გამიჩენ სამ-ოთხ საფიქრალს.
 სამ-ოთხს მომიწყვეტ ნაყოფს და
 გემოს მაგემებ სამოთხის,
 სანამ ნაკნებში ჩაყოფდა
 უფალი თავის სამ-ოთხ თითს,
 სანამ ერთ გზაზე შექმნიდა
 სავალ ჯოჯოხეთ-სამოთხეს,
 რად მომაცალა ნეკნი და
 რად არ დაფიქრდა სამ-ოთხჯერ?
 სიძვა-სიმრუშის არაკი
 სანამ უწყალოდ ჩამოთხზეს,
 რატომ არ იაგარაკეს,
 არ გაითვალეს სამ-ოთხზე;
 ახლა აღარ გვაქვს ნაყოფი
 და უკვდავების ვჭამოთ ხე!..

10.IV.2002.



მუცლალღება

ღამისგან დილა ფეხმძიმედ დარჩა –
 ფრთხილად ერხევა უცხო მუცელი,
 ბნელმა შეაბა კონკია ფარჩა,
 ღრუბლის ღენცოფა შემოუცელა.
 დაბადებული აღარსად არ ჩანს:
 არც „ათფურცელა“, არც „ასფურცელა“,
 ორსული დილა იკიდებს მარჯანს
 გაუჩენელ დღეს გაზრდის ურწევველად.
 უზნეო დღე კი ძუძუთი არ ჭამს,
 მიტომ იზრდება ასე ურძელა.
 ღამისგან დილა ფეხმძიმედ დარჩა
 და ახალ ღამეს დღე გაუგრძელა.

19.IV.2002.

კონფიდენტიის ნაუბარი

ღექსის წერა მომინდა,
 ღმერთო, ერთიც შემინდე,
 ვით ქურდობის მომენტი –
 მეწისქვილე – მემინდეს.
 თუ გამიწყრა ტაროსი,
 ან ვიღაცის ნარძლევი,
 ბწკარზე, როგორც ტაროზე
 დათვლილია მარცვლები...
 გულო რით ვერ აივსე
 ასე მარცვალ-მარცვალო,
 ნაბოლარა აისზე
 მშვიდად რომ გენაცვალო!

16.V.2002.

სადღებობელო

ვაკეთებ, რასაც გული მკარნახობს –
 გული, რომელიც მუდამ ნაღლია,
 ღამე არ გავა სიზმრად არ მნახოს,
 ვიდრე დაისის ფარდას ამხდიან.
 ვიდრე მოიხსნის მზერა ტრაფარეტს
 და ბნელი დაგლეჯს თავის მანტიას,
 გულია, მკერდით რომ ვერ დავფარე
 და განთიადის ფერად ანთია.
 სავსეა, როგორც წმინდა ბარძიმი,
 საალავერდოდ ჩემს ძმებს გადავცემ:
 „ღვთის სახელს ვფიცავ არ დაგამძიმებთ
 და ვერც გამოცლით ათიათას წელს“.

18.V.2002.

ასოციაცია „ჯოჯოხეთი“

ოცდამესამე წელი შემება,
 ოცდამესამე წელსვე შევები.
 არ მომწონს დროის უკუჩვენება,
 დროსავით სდუმან სახლში ჩვენები.
 ოცდასამი თუ გადავიტანე...
 (არ მიყვარს სამი, ნავსი რიცხვია)
 გარშემო თქვენი თეთრი ტიტანი
 განვლილ წლებივით შემომიწყვია.
 ლექსი ბრმასავით დამიწერია,
 ანდა, რად უნდათ ბწკარებს ჭალები?!
 ჩემი ყველაზე დიდი მტერია
 ახლა აისის კარის გამღები.

18.V.2002. ღამის 3 საათი.

ვერ გიშველის შენა პარიზი და სენა,
ვერ გაუგებ, ალბათ, მონმარტსა და არბატს
და ქართულმა ზენამ თუ კვლავ გაგისხენა,
როგორც ქალწულს ხალვათს, დაეწაფე
ხარბად.

მონატრე ხანა მდინარე და ყანა –
გლეხი კაცის ოფლი ხოდაბუნში სოფლის,
თუ დრომ დაგახანა გულის მოსაფხანად
კრულვა წუთისოფლის, მერე მისი
მნდობლის.

თუკი ჯანდაბამდე გზას დაუთმობ ამდენ
კუშირსა და რეგენტს, უვიცსა და რეგვენს...
სადღაც ჯანს აბანდებ, უსმენ უცხო
ფანტელს
და ზარებიც უცხო გრიგალებზე რეკენ.

7.VI.2002.



პატარძლის ქორწილი

პატარძლის ქორწილში გაწვიმდა,
მზერა ჩამიმუქდა მაყარის:
ეგ ბროლის თითები ყაწითა
სინაზით მკერდზე დამაყარე...
ცრემლი რომ ზეციდან წავიდა
და მსუბუქ მიწაში ჩაგრილდა,
ანაზდად მომესმა წამიდან
გოდება ჯოჯოხეთს ჩაყრილთა.
სტრიქონის სიმევით გაწელვაც
შენსავით სხვა მდედრებს ვარჩიე,
რაც უნდა მომიზღას ამ წელმა
არასდროს არ ვკითხავ მარჩიელს.
გაჭენდა ღრუბელი უბელო,
ვით ზეცის ნაცემი შავი ტყვე
და სულ უცაბედად ღრუბელო
მე შენი სევდები შავიტყვე.

29.VI.2002.



პირველ სიშიშველიდან

მოდის სინანული პირველ სიშიშველიდან,
შიში გამოატანს ცრემლებს სამართლებრივს,
რომლის ზიგზაგებსაც თვითონ შიში შლიდა
ტკბილი საწამლავეთ, ანდა სამართებლით.
მოდის სინანული, რაღაც ხელაღებით,
ბზრიალ-ტრიალით და ჩქრიალ-ჩანჩქერებით,
რათა ჩამეხუტოს ძველი შელაღებით,
პირზე კოცნითა და თვალში ჩაცქერებით.
ასე მოხიბლულნი მოვალთ მომავლები
ძველი ტკობითა და ძველი სურნელებით,
სევდის მოქნილ წელზე ხელებს მოვაველებ და...
ჩემს ბედს ინატრებენ ჩემებრ სულელები.

26.VII.2002.

* * *

ჩემი ნათელი იწვის,
ბნელი ირევა,
შემრჩა ნაძვის ხის წიწვი
და ატირება.
ცრემლი გაჰყვება ამ წელს
თილისმიანი
და ლექსში გადაარწვეს
დილის ნიავი.
რითმა შემიდგავს – ღვიძლი
შვილი – ყავარჯენს,
როცა ძილსა და ღვიძილს
ღმერთი გაარჩევს.

28.VII.2002.

ძველო წელიწადო

მაგრად ჩამეხუტე ძველო წელიწადო,
ძველო წელიწადო მაგრად ჩამეხუტე.
სადღაც მიმავალმა უნდა შევიცადო
წელი დამეწიოს მე ოცდამეხუთე.
უნდა დავასრულო ახალ ოცეულის
ყველა სიზურმუხტე, ყველა აისები,
სანამ დამწიფდება სისხლის ბროწეული
და შიგ მოწეული ფერთ ავიესები.
სანამ გაივსება ოქროს ბარძიმები
ყოველ ნიშისა და ყოველ სალოცავის
და ჯოჯოხეთურად კეერის დამძიმებით
კალოს უკეთურნი აღარ გაღეწავენ.
მაგრად ჩამეხუტე ძველო წელიწადო,
რომ არ ჩავეძიო ახალ წელიწადებს,
მაგრამ მიმავალმა თუ ვერ შევიცადო:
ნულარ გაიკვირვებ, ნულარ შეიცხადებ,
შენც ხომ მოგეფერე, შენც ხომ შეგიცადე!

31.VII.2002.



* * *

ოკეანე ახმაურდა,
ახმაურდა ოკეანე
ოცნების და ნატვრების.
სულს რაღაცის ნახვა უნდა
გულს კი – ქალის, კოკიანის,
ან ვიღაცის ნათრევის...
მარტოობამ დაასრულა
საუკუნო შემეცნება
ტაძართა და ჰარემის,
შვეულიდან თარაზულად,
აღბათ, მალე შემეცვლება
საშინაო გარემო.

29.VII.2002.

* * *

თვალს მივადევნებ სამყაროს ღივიღვის
მამრის ინსტინქტის გაორმაგებით
და უცნაური მარშრუტით ვივლი –
გზებით სატანის, გზებით მაგების;
სანამ დაშრება დუმილით სახე
და ღმერთი ხელებს გამოიწოდებს...
ვერ მივენდობი იცოდეთ სხვა ხელს,
ვერ მივენდობი სხვა ხელს, იცოდეთ!
მჭვირვალე სულში უნაზეს კრისტალს,
წარსულის ლოცვას მისხის მისხიდან
გამოვთხოვ უფალს, რამეთუ ქრისტემ
ჩემი ცოდვებიც გამოისყიდა.

2.VIII.2002.

ჩემს უკან ნამწვი წლების ბოლი დის.
მესმის კაშკაშა სტვენა ბოლიდის,
ან ცრემლიანი და ობოლი დის
მწარე გოდება.

ბრძოლა იქნება დაუნდობელი,
ადარ იტირებს ჩემი დობილი,
რადგან კათარსისს „ძე შეცთომილის“
არ ელოდება...

გზაზე სხვა დებსაც ვხვდები ბლონდებით,
ღამე საესეა ციურ „ლონდებით“,
თვითონაც მიკვირს, ისე ვლომდები
ანდა ვეფხვდები;

სახეებს ვხედავ რა მუდარიანს,
შორს ვინმეს აღრჩობს ამუდარია,
ღმერთში ავდარი, ანუ დარია,
უკვე ვერ ვხვდები...

20.VIII.2002.



„ნუ მეტყვი უარს პაემანზე“

ნუ მეტყვი უარს პაემანზე,
მაღე სამყაროს დასასრულია!
და გაშლილია პასიანსი,
იქნება სულაც, იქნებ სრულიად
დასაღუპავად...
რადაცით ჰგავხარ მონატრებას
ყველაზე პირველს, პირველს სრულიად
და გულით გინდა მონმარტრების
ღრენა, რომელიც წყველა-კრულვიან
ღიმილებს აჩენს.

15.X.2002.

რადაცა ბრწყინავს

რადაცა ბრწყინავს აღმოსავლეთით –
არც მზე არის და აღარც სმარაგდა,
მე შენი მტრების ახლოს დაეღევი
სისხლს, ცხელ გულში რომ მოუმარაგდათ.
რადაცა მიჭერს, რადაც მაკაეებს,
აღბათ, მოველი აპლოდისმენტებს,
მე ღავიცლები ცეცხლად აქავე,
თუ არ მომიცდი თაფლობის თვემდე.
ანდა ის, რაც შენ მოგდომებია:
ზეცის გუმბათი, ღმერთის კანკელი,
ამ დაისს, მთვრალს, შემოდგომებიანს
მოაქვს კანკალით.

26.X.2002.

* * *

გული ხელით მიჭირავს –
ფეთქავს არც თუ ურიგოდ.
და თუ კარგი ბიჭი ვარ,
თუ ვაჟკაცი ბიჭი ვარ,
თუ გულუხვი ბიჭი ვარ...
უნდა გავიმეტო და
თითოეული ძგერება,
როგორც ლექსის ბგერები,
გამგლეღლთ ჩამოვურიგო!

26.X.2002.

* * *

შუბლით მოვქრივარ დედამიწისკენ
და კუთვნილ საფლავს დავენარცხები.
წუთისოფელო, ნუ შემიზიზღებ
ჩემი მარცხებით.
ჩაიფარცხება ყველა კივილი,
მისი სიმძაფრით ვედარც მე ვძღები...
სულს საშობაო ტკივილები
წამოეწყება.
რა გაეწყობა, ასე ნებაზე
რახან დაგლიჯეთ ჩემი აფრები,
მაშინ საფლავის გახსენებაზეც
ნუ იზაფრებით!

28.X.2002.

ახლოს დავდგამთ საწოლებს
მე და ჩემი საცოლე,
გულისპირს და იღლიას
ოცნებებით დაუღლი.
გულზე შემომაწოლებს
ჩემი ნაზი საცოლე,
რაც თავში ქვა მიხლია,
რაც ზმნა დამრჩა საუღლი...
რაც ზმნა დამრჩა საუღლი,
რაც თავში ქვა მიხლია,
ჩემი ნაზი საცოლე
გულზე შემომაწოლებს.
ოცნებებით დაუღლი
გულისპირს და იღლიას,
როცა დავიდგამთ საწოლებს
ახლოს მე და საცოლე.

5.XI.2002.



* * *

ვერ მიდიხარ „ვერამდის“,
რადგან ამბობ „არას“
და სახელურს ვერანდის
მკერდის სითბო ფარავს.
მსგავსად გადმოზნექილი
არ მეხილე, ვაზის...
ქუძუს შორის ნეკივით
ნაზი ხალი ვაზის.
შენს მეგობარ ამაღლის
ქუჩა მოაქვს ხარხარს,
პატარა და ფრთამაღლი
აივნის მტრედს გავხარ!
ცოტაც გადმოიწიე,
გამიღიმე ერთი
და მესროლე მიწიერს
ზეციური კერტი.

18.IV.2003.



ჩვეულებრივი „სოლო“ დინებით
წავლენ ჩვეული მოლოდინები,
ღვთის ნაჩუქარი ავგაროზებით
მოვლენ „ლიზები“ ანდა „როზები“;
მოვლენ „როზები“ ანდა „ლიზები“
მოცივილურო ვანდალიზებით,
ეს დასაწყისის დასასრულები,
ეს დასასრულის დასაწყისები...

18.IV.2003.

მაისი ულექსოდ

უჩუმრად მკერდი გაეცსოთ
მრავალ ნაცნობთა ასულებს
და ვემსგავსები კაენსო –
ძმის მკვლელობას რომ ასრულებს.
მაგრამ მე უფრო აბელთან
ვეძებ რაღაცა საერთოს,
თუმცა, სარკმელშიც დაბნელდა,
აბელსაც სხივი წაერთო.
და თუ სისავსე ასულთა
სხვებს მოთმინებას უღვევსო,
მე იმას ვნანობ: გასრულდა
მაისი როგორ ულექსოდ.

3.VI.03.

როცა ღამეებს წამებით ათევ,
 როცა სამყაროს სხვა მზერით უმზერ,
 როცა გრძნობ ყელზე თითებს და თათებს
 ან სევდის ერთგვარ სიმძიმეს გულზე;
 როცა ნერვების ნაწიბურ ძაფზე
 შენი ალალი ოცნება გიდევს,
 როცა სიკვდილი, სიცოცხლით სავსე
 გაგიყოფს გულის ბუნებრივ ძვიდეს.
 როცა ჯოჯოხეთს მოივლი რაშით
 და აქეთ დატოვ სხვა გულებს ფეთქვით,
 მე მაშინ გეტყვი საქმეა რაშიც
 ანდა ოდესღაც ყოფილა მეთქი.

20.VI.2003.

შეხვე ჩაიცივი

ფეხზე ჩაიცივი მარტო,
 სხვა არაფერი გინდა!..
 გიხდება ჭრელი მანტო
 და უფრო – ჭრელი წინდა.
 მზერა გაქვს უფრო მჭრელი,
 ვიდრე სითეთრე წვივის –
 გაცვია წმინდა ჭრელი,
 წვივიც კივის და წვივის.
 არა მგონია გარგოს
 ეშხმა ოქროს და ფულის,
 ფეხზე ჩაიცივი, კარგო,
 არ გაგიცივდეს გული!

26.I.2004.

ქალბატონ მარიამ ლორთქიფანიძეს

ვფიცავ დედაშვილობას, ქალბატონო მარიამ,
როცა თქვენსკენ მოვდივარ, ისე მომიხარია,
თითქოს ვხედავ ჩაგრულთა მოამაგე თემიდას –
თუმც გახლავართ ჩაკრულოს და იბერთა
თემიდან.

იბერების, კოლხების რიდი ჰქონდათ ელადელთ,
რადგან ჩვენს წინაპართა მახვილებიც
ელავდნენ,

მარიამ და ქეთევან რადგან გვზრდიდნენ
დიდებით...

(სიფერმკრთალეს ვფიცავარ თქვენი ნაზი
თითების)

ქალბატონო, დედაო, თქვენს თვალისჩინს
ვფიცავარ,

თქვენი ნასათუთები ზეცა ვარ და მიწა ვარ;
ქართვლის ზღვა და ხმელეთი, მთა და ბარი,
მდელო და...

გააგონეთ უფალს ხმა ძველი საქართველოდან!
რომ მოელის ქართული ზეცა ამინდს დარიანს,
მჯერა, დედაშვილობას, ქალბატონო მარიამ.

17.IV.2004.

* * *

შენ ყველა შენი მონა გგონია,
 რადგანაც წვივ-მკერდს აულამაზდი...
 მაგ თვალებთან ხომ მონაგონია
 კრთომა და ბრწყინვა აჭურა-მაზდის.
 დიახ, სულ შენი მონები არი,
 სადაც კაცს ნახავ ცრემლზე დაჩოქილს,
 გული გაიღე მონებიერე
 და თითო კოცნა ყველას აჩუქე.
 მერწმუნე, ასე მოწყალებიანს
 ღმერთი მიგიღებს ზეცაში უფრო,
 უბრალოდ, ფიქრი მომძალებია,
 როგორ გაგიშვებ ანგელოზს უფრთოდ.
 აზრმა ფიქრებში ამთარ-დამთართა,
 შენ მალე წახვალ მზის გოგონებთან
 და ჩემში უკვე ამგვარ ზამთართა
 ასჯერ განვლილი ზის მოგონება.

23.VIII.2004.

* * *

მოვდივარ, ჩემს გზას მოვტირი,
 მძიმე გზა მქონდა, მგონია:
 დამიზნებული მორტირი
 და მწარე მელანქოლია.
 შენ დევხარ ნატურმორტივით –
 თეთრი მკერდი და თოლია,
 თეთრი მკერდივით მოტივი...
 თეთრი მკერდივით თოვლიან...

22.I.2005.

ცხოლი

ვერ დავამთავრე მიძღვნები,
საღამოც ლექსით დავიწყე.
შუადღით წინ ნუ მიძღვები -
საკუთარ გზა-კვალს მავიწყებ.
მეც მოგდე შელოცვილი და
იწყება სევდის ბარდნები,
შეგქმენი ჩემო ცვილიდან,
ახლა არაფრით არ დნები.
ფიქრები დაგკანკალებენ:
არ დადნე ანდა არ ადნე;
არჩევანს მთხოვენ ქალები,
არადა, უტოვ არადნებს.
სხვებს აღარაფერს უტოვებ,
მუდამ რომ შენს თავს უმღერდი,
გავბრაზდი, დაგიუთოვე
მკერდით ეგ ცვილის გულმკერდი.
აღსდექი, მაინც არ დნები,
ვერ გაგასწორე მიწასთან!
არც ძალით დნები, არც ნებით,
გათენდა, ღამეც მინაზდა;
მაინც გაუიგებ ვინა ხარ,
გასანთლებ, მოსაღამოვდეს!
ღამეს კი შემოვინახავ:
დილის ბალიშქვეშ ამოვდებ.

12.II.2005.



ახალ სამაჩაბლომდე	3
სევდიანი ლექსი	4
ახალი წელი	4
რადგან სიცოცხლეს სიცოცხლე უჭირს... ..	5
(მე ისე ვძლერი...)	6
უბედურების ტრიოლეტი	6
სტუდენტური	7
გორის ციხე	7
ცხელი პორტრეტი	8
(არ შეგვინდო არავინ...)	8
გული	9
ქალაქური	10
პრიმადონა	11
(მე არ მივლია მონმარტზე...)	11
(შენი ნაზი ზმანება...)	12
(მე შენს სახეზე დავინახე სისხლი ნარევი...)	13
22 წელი	14
(ვერ შეიქმნები პოეტად...)	14
ბათუმური საღამო („პეიზაჟი“)	14
ცრემლების წარმომავლობა	15
„ვერის უბნის მელოდიები“	15
ღმერთო, მაღალო!	16
(კაცია ერთი, კახელი...)	16
საჩივარი	17
ხალხი	18
სამოთხ-ეკ... ..	19
მუცლადღება	20
კონფიდენტის ნაუბარი	20
სადღეგრძელო	21
ასოციაცია „ჯოჯოხეთი“	21
ემიგრანტული	22
პატარძლის ქორწილი	23
სურვილი	24
პირველ სიშეშვლიდან	25

(ჩემი ნათელი იწვის...) 25

ძველო წელიწადო 26

(ოკეანე ახმაურდა...) 27

(თვალს მივაღვენებ სამყაროს ღივივს...) 27

არმაგედონი 28

„ნუ მეტყვი უარს პაემანზე“ 29

რალაცა ბრწყინავს 29

(გული ხელით მიჭირავს...) 30

(შუბლით მოვქრევარ დედამიწისკენ...) 30

(ახლოს დავდგამთ საწოლებს...) 31

(ვერ მიდიხარ „ვერამდის“...) 32

მოვლენ 33

მაისი ულექსოდ 33

როცა 34

ფეხზე ჩაიცვი 34

(ფვიცავ დედაშვილობას, ქალბატონო მარიამ...) 35

(შენ ყველა შენი მონა გგონია) 36

(მოვდივარ, ჩემს გზას ძოვტირი...) 36

ცვილი 37

რედაქტორი

თემურ ჩალაბაშვილი

მხატვარი

ჟუჟუნა ვაშაგაშვილი

კომპიუტერული

უზრუნველყოფა

ნიკო ბურჯანაძე

გამომცემლობა „ლეგა“
თბილისი, სანდრო ეულის ქ. №5

იასტანგ სუნცაძე



დაიბადა 1978 წელს ქალაქ გორში. 1995 წელს დაამთავრა სოფ. კარაღეთის საშუალო სკოლა, ხოლო 2000 წელს – ცხინვალის სახელმწიფო უნივერსიტეტის ისტორია-ფილოლოგიის ფაკულტეტი. ამავე წელს ჩაბრ-

უნდა თბილისის სახელმწიფო უნივერსიტეტის ასპირანტურაში. 2005 წელს წარმატებით დაიცვა საკანდიდატო დისერტაცია საქართველოს ისტორიის სპეციალობით.

1998 წლიდან მისი ლექსები სისტემატურად იბეჭდება რეგულარულ თუ რესპუბლიკურ ბერიძელულ ბრესაში. ლექსების ბზველი კრებულები – „ღამის წერილი“ გამოცემა 2000 წელს.

ამჟამად მუშაობს გორის სახელმწიფო უნივერსიტეტის საქართველოსა და მსოფლიო ისტორიის კათედრაზე მასწავლებლად.